



Tingvoll, 4.6.2026

Rovviltnemnda region 6
c/o Statsforvaltaren i Trøndelag
sftlpost@statsforvalteren.no

HØYRING AV FORVALTINGSPLAN FOR STORE ROVDYR KAP. 2

Dykkar ref. 2022/11128.

Naturvernforbundet i Møre og Romsdal vil uttale følgjande:

Formuleringa

«Det skal som hovedregel ikke fastsettes kvote for lisensfelling innenfor forvaltningsområde for jerv hvis det årlige regionale og/eller de fylkesvise bestandsmålene (fastsatt i forvaltningsplanen) ikke er oppnådd».

Det er forskjellige føresetnader for dette temaet i Møre og Romsdal og i Trøndelag. I forvaltningsområdet for jerv i Møre og Romsdal er det ikkje samisk tamreindrift og det er dermed ikkje behov for ein spesialordning når det gjeld kalvingsland for tamrein. Vi kan ikkje sjå ein einaste grunn som gjer at ein skal bruke formuleringa «som hovudregel» i Møre og Romsdal.

Med noverande utforming av forvaltningsområdet for jerv i Møre og Romsdal er risikoen for å få ein jervbestand større enn målet svært liten. Skulle ein kome ut med fleire ynglingar enn målet eit år, bør ikkje det vere grunn for lisensjakt då det bør vegast mot dei åra ein ikkje når målet.

Nemnda har også ansvar for å forvalte den sørvestlege delbestanden av jerv. Det er viktig at denne delbestanden i alle fall rommar minst 3 årlege ynglingar i Møre og Romsdal og 7 totalt. Det er viktig at det kan kome dyr utanfrå, og det er viktig at den sørvestlege delbestanden er såpass stor at dyr frå denne også kan blande seg med den østlege bestanden.

Naturvernforbundet sitt forslag er at «som hovedregel» blir tatt ut.

Med helsing

Øystein Folden
Fylkessekretær